

» vestrae locis vim obtineret, ac preterea exilii et perpetui carce-
» ris, et publicationis fundi venditionisque aedificii contra secus
» facientes poenam edixisse: quasi vero ecclesiae et ecclesiasticae
» personae temporali vestrae jurisdictioni subjectae aliquo modo
» essent, vel qui ea ratione in vestris dictionibus ecclesias et alia
» pia ac religiosa loca abstruerent, tamquam in aliquo scelere de-
» prehensi multandi viderentur. Ulterius accipimus, vos, mense
» martii proxime elapso (inhaerentes altero senatus vestri decreto
» anno 1556 facto, in quo, ut asserebatis, erat etiam expresse
» prohibitum, ne quis sub certis in eo contentis poenis in urbe
» Venetiarum ejusque ducatu bona immobilia ad causas pias testa-
» mento, seu donatione inter vivos relinqueret aut quovis alio ti-
» tulo alienaret, sive ad earum favorem, ultra certum tunc expres-
» sum tempus obligaret, quod in illum usque diem, ut ibi etiam
» dicebatur, usu receptum et observatum non fuerat, quod pariter
» a vobis abrogari debuisset), non modo iterum id sine senatus
» vestri licentia fieri nominatim vetuisse, sed expresse prohibuisse
» ne ejusmodi bonorum immobilium alienationes in favorem per-
» sonarum ecclesiasticarum fierent ac alterius decretum ipsum, et
» poenas in eo contentas per universum dominium vestrum exten-
» disse, atque insuper bona immobilia omnia quae contra prae-
» missarum formam vendi aut quovismodo alienari contingeret
» ultra nullitatis poenam publicari et vendi, eorumque praedium
» inter rempublicam vestram, magistratum exequentem et ejus
» ministros, ipsumque denuntiatorem dividi mandasse; perinde
» ac si temporalibus dominis liceret in ecclesiastica bona, ea prae-
» sertim quae ecclesiis, ecclesiasticisque personis et aliis locis
» piis a testatoribus, et a caeteris Christifidelibus remedio pecca-
» torum, et exoneratione conscientiae plerumque relinquuntur, aut
» alio modo conferuntur, jus aliquod exercere, sive de illis absque
» legitimo ecclesiasticarum personarum consensu, Romano prae-
» sertim Pontifice inconsulto, disponere; et alias ut in decretis et
» mandatis vestris novissime per vos editis et promulgatis, quae